




An Coimisiún  
Eorpach

# DEARBHÚ MAIDIR LE COMHLÍONADH COMHSHAOIL

PLEAN GNÍOMHAÍOCHTA AE



## Glacadh i ndáiríre le rialacha comhshaoil...

Tá rialacha dlíthiúla curtha i bhfeidhm ag an Aontas Eorpach — na rudaí ba chóir agus nár chóir a dhéanamh — chun buntáistí comhshaoil a chur ar fáil dúinn go léir ina n-áirítear uisce glan, aer inanáilthe agus dúlra sláintiúil.

Ní mór do ghnóthaí agus do dhreamanna eile na rialacha sin a leanúint, nó mura ndéanfar sin beidh an tsochaí thíos leis mar go méadófar costais chúraim sláinte, caillfear ioncam rialtais agus beidh iomaíochas míchothrom i gcúrsaí gnó. Ghlac an Coimisiún leis an bPlean Gníomhaíochta 9 bpointe chun cabhrú le húdarais phoiblí na rialacha a chur chun cinn, a fhaire agus á gcomhlíonadh a fhorfheidhmiú.

Ciallaíonn **cur chun cinn** cabhrú le gnóthaí agus le dreamanna eile an rud ceart a dhéanamh.

Ciallaíonn **a fhaire** cigireachtaí agus seiceálacha eile a úsáid chun faisnéis a bhailiú faoi leibhéil chomhlíontachta agus fianaise láidir a sholáthar go bhfuil forfheidhmiú ag tarlú.

Ciallaíonn **forfheidhmiú** stop a chur le daoine a dhéanann neamhaird de na rialacha, ag gearradh smachtbhannaí orthu agus ag cur dualgais orthu an damáiste a réiteach.

Tugtar deimhniú maidir le comhlíonadh comhshaoil ar an obair sin a dhéanann údarais phoiblí.

## Samplaí de rialacha comhshaoil

### Ná déan na rudaí seo a leanas:

- Dramhaíl a dhumpáil faoin tuath
- Suiteáil thionsclaíoch a fheidhmiú gan cead comhshaoil
- Éin fhiáine a sheilg san earrach nuair a bhíonn siad ag pórú nó ar imirce

### Déan na rudaí seo a leanas:

- Tabhair dramhaíl ar lámh dóibh sin atá i dteideal í a bhailiú nó a chóireáil
- Tabhair ómós do dhálaí atá leagtha amach i gcead tionsclaíoch nó i gcead eile
- Déan cóireáil ar dhramhuisce uirbeach sula scaoiltear amach é in aibhneacha nó san fharraige

## Tá sé mar aidhm leis na gníomhartha:

### Cuidiú leis na cigirí agus leis na hoifigigh dlí fórsaí a thabhairt le chéile

Tá cigirí comhshaoil ar fud an AE ag obair le chéile cheana féin ar chomhchigireachtaí lastas dramhaíola. Féachfaidh an Coimisiún le hiarrachtaí coiteanna den sórt sin a atreisiú.



### Oiliúint ghairmiúil a spreagadh

Ionas go mbeifear éifeachtach, caithfidh fios gnó agus oiliúint a bheith ag cigirí comhshaoil agus ag gairmithe eile. Tacóidh an Coimisiún le sainathint riachtanas oiliúna.



### Eolas a scaipeadh

Tá sé tábhachtach rochtain a fháil ar fhaisnéis mhaith faoin dearbhú maidir le comhlíonadh comhshaoil. Cuirfidh an Coimisiún tuilleadh faisnéise ar fáil ar líne.



### Cuidiú chun troid i gcoinne coiriúlachta dramhaíola agus fiadhúlra

Ní amháin go ndéanann coireacht dhramhaíola damáiste faoin tuath, baineann sé an bonn freisin den gheilleagar ciorclach. Déanann coireacht fhiadhúlra bagairt ar speicis i mbaol. Cuirfear treoir le chéile ar na bealaí is fearr chun na fadhbanna sin a chomhrac.




### Comhlíonadh a chinntiú níos

Cuirfear treoir le chéile chun a áirithiú talún eile le rialacha comhshaoil faoi go mbeidh cosaint ag ár n aibhneac gnáthóga agus speicis an



NA 9 NG

# GNÍOMH



## Treirlínte teicniúla a chur le chéile chun cigireachtaí a dhéanamh ar shaoráidí dramhaíola eastósca

Cuirfear treoracha le chéile faoin gcaoi le cigireacht a dhéanamh ar shaoráidí a úsáidtear chun dramhaíl ó mhianaigh agus ó thionscail eastósca eile a choinneáil, toisc gur féidir le faille tubaistí comhshaoil a chruthú.



## Láimhseáil gearán ó shaoránaigh a fheabhsú

Cuirfear treoracha le chéile ar an gcaoi is fearr is féidir le húdaráis freagairt do ghearáin ó shaoránaigh. Tugann saoránaigh faisnéis luachmhar faoi dhrochiompar, rud is féidir cuidiú le húdaráis a gcúram a chomhlíonadh níos fearr.



## Úsáid satailítí a fhorbairt

Tríd an gclár Copernicus, cuirfidh an Coimisiún úsáid íomhánna satailíte agus foinsí sonraí geospásúla eile chun cinn le haghaidh diúscairt neamhdhleathach dramhaíola, úsáid neamhdhleathach talún agus sárúithe eile a bhrath.



## Aiseolas níos fearr a thabhairt do Bhallstáit faoin gcaoi a bhfuil ag éirí leo

Tabharfaidh an Coimisiún faisnéis shaincheaptha do Bhallstáit maidir lena ndul chun cinn, ag cuidiú leo láidreachtaí agus laigí a aithint.

## Is fearr i gceantair thuaithe

go gcloíonn feirmeoirí agus bainisteoirí  
oi dhlíthe dúlra agus uisce AE ionas  
cha agus lochanna, soláthairtí uisce,  
namha ar mhaithe le cách.

## Cén uair, cén chaoi agus cé leis

### Fráma ama

Forbrófar na gníomhartha thar an tréimhse 2018-2019.

### Fóram nua ardleibhéil

Fónfaidh grúpa ardleibhéil saineolaithe chun an Plean Gníomhaíochta agus ábhair ghaolmhara a stiúradh. Leis sin tabharfar riarthóirí agus gairmithe na mBallstát a bhfuil cúraimí orthu sa réimse seo le chéile.

### Oibriú i ndlúthchomhar le líonraí Eorpacha cigirí comhshaoil, póilíní, ionchúisitheoirí, breithimh agus iniúcháirí

Tógfaidh na gníomhartha ar an obair a dhéanann líonraí Eorpacha cigirí comhshaoil (IMPEL), póilíní atá speisialaithe chun coireacht chomhshaoil a chomhrac (EnviCrimeNet), ionchúisitheoirí comhshaoil (ENPE), breithimh (EUFJE) agus iniúcháirí comhshaoil (EUROSAT), dream ar fad a mbeidh dlúthbhaint acu leis an bPlean Gníomhaíochta a chur i bhfeidhm. Tá ról riachtanach ag na líonraí sin cheana féin ó thaobh faisnéis a roinnt.

### An slabhra dearbhaithe comhlíontachta a neartú

Oibreoidh an Coimisiún chun an slabhra a nascann ról na ngairmithe difriúla sin a neartú.

In 2017, shínigh na líonraí póilíní, cigirí agus ionchúisitheoirí meamram tuisceana mar aitheantas ar bhfiúntas na ndlúth-nasc atá eatarthu sa troid i gcoinne coireachta chomhshaoil.



## Tuilleadh eolais:

[http://ec.europa.eu/environment/legal/compliance\\_en.htm](http://ec.europa.eu/environment/legal/compliance_en.htm)



Oifig na bhFoilseachán

Print	KH-05-17-145-GA-C	ISBN 978-92-79-74396-2	doi:10.2779/287907
PDF	KH-05-17-145-GA-N	ISBN 978-92-79-74397-9	doi:10.2779/27682

© An tAontas Eorpach, 2018

Lucsamburg: Oifig Foilseachán an Aontais Eorpaigh, 2018

Údaraítear athúsáid ach an fhoinsé a admháil.

Déantar beartas atáirgthe dhoiciméid an Choimisiúin Eorpaigh a rialú le Cinneadh 2011/833/AE (IO L 330, 14.12.2011, lch. 39).